

梧所桂林雜詩

九龍
獨秀吟社
圖
阮
前
作



獨秀吟社圖記

余以庚申辛酉間從孫中山先生北伐至桂林桂林山水甲天下而獨秀山為最行營駐馬余臥室面山開軒可見山拔地起高五十丈有奇陟其巔天風冷然人語在飛鳥上俯視城郭沈沈也巖際鐫紫袍金帶四字謂山之魏巍壯麗似之下有讀書巖石室尚存晉始安太守顏延之嘗居此始安即今桂林也同游諸子咸以勝地不可無雅集乃於左近別覓吟所為詩鐘之會凡十人即以山名名之曰獨秀吟社告

來詩歌盛事恆假山水以永其傳而在庠墨餘聞不
廢吟咏有其地矣難得其人矧乃聚湘鄂川桂粵閩
之能詩者於一堂聲應氣求其難尤甚己而北伐事
罷各歸鄉里社事遂寢迄今數十寒暑舊侶強半徂
謝其有存者則亦書問闕如覽斯圖感慨繫之公元
一九六零年庚子秋香臺飢雲

梧州桂林雜詩序

梧州山水奇詭突特出塵超俗殆為詩人設 无競
吾師詩家也橐筆從中山先生因履是地胸中詩思
與山水奇氣相融目逐手追琳琅成集在韶州軍次
值變散失僅存十九首是時北伐之師已入贛境陳
炯明忽叛變革命事業大受挫折師錄寫殘存有不
勝其感慨悲愴者然中山先生革命之業雖未就而
所計畫所倡導所指示已成今日社會主義前驅厄
于生前大伸於死後中山先生精神永遠存在人間

永遠照耀吾黨師珍此殘存諷誦之下又有不勝其
興奮愉快者矣

公元一九五八年春日劉通謹序

梧州桂林襍詩小序

庚申護法之役國會南遷孫中山先生方於廣州設
軍政府余以是時入府充記室明年辛酉五月先生
被舉為總統十一月出師北伐余執筆從舟行二十
一日始抵桂林蓋自梧州以上多危灘行較緩也襍
詩哀然成帙真行篋中乃於壬戌夏移師韶州時遭
叛兵奔掠詩稿大半散失僅存十九首重錄之並書
數語其端无競居士

梧州桂林禱詩

福州陳海瀛元競

至梧州儲稼令品茗同園

勞人多事問園名繞院衣塵又欲行
偶爾隨緣思茗飲未容入務負詩盟

草堂常繫天涯夢桑下難忘地
主情閒看刺桐掛斜日倚藪猶及壯懷傾

園中有刺桐數株

梧州軍中作

元戎牙纛次梧州野宿霜嚴夜氣遒
傳歸書旗呼殺

賊

大元帥誓師旗余所書也

書生志豈在封侯

同行有以此相戲者故云

水井

井在梧州東門外汲水者日以數百計唐元結有銘三十二字
原刻久佚今兩府石為清光緒十四年九月汪奎金武祥翁汪
環補書
望銘者

居民調水不須符鑿井何人記得無多事次山銘數
語題詩更被次山愚

觀準提閣感賦

一閣沉沉枕落暉當門鵠立西黃衣

今為某軍
駐兵處

笑余

選勝有何好等是從軍未得歸俯仰不堪陳迹問見
聞敢謂昔時非雲邊過鳥千齡盡直到無生始息機

梧州軍次賦寄與社諸子

淹留一月次梧州
媿對班生說壯游
山水有緣常在
客乾坤多事易驚秋
軍書卻許拋閒日
詩社難教忘
俊偉行帳不堪塵
潏洞夢魂又逐桂林舟

舟次笏竹口號

打篷風雨夜漫漫
燈檠微明耐淺寒
輸卻舟人先睡
熟夢中已上許多灘

檣水早發

侵晨發檣水纔過四日
程灘聲與櫓聲
舂枕相拒迎

人聲雜喧亟爭作鳴鳴舉篙如舉杵觸石聞砰訇

時以肩承撐

撐者以竹為之於上端加曲木承之以肩下端裹以鉄形如錐

兩手據船行引

纜如引繩遠望疑風箏偃樓而前趨湍急石不平嗟

我事行役出門身已輕同舟五六人情乃如弟兄朝
晡卧起共肝胆平生傾得酒且復飲還計空瓶罌萬
事置勿問一笑冠絕纓

縮灘至黃牛口占

頑石稜稜過縮灘水繞盈尺受篙難舵工未合深藏
手前有黃牛作怒湍

舟過大隆幾覆者再幸無恙

天以風波試老身不關水手不知津恐能致福渾閒
事此意終難語世人

至平樂縣觀孔子廟遂賦二絕

美富宮牆彼一時即今非復舊官儀如何廟食馨香
地馬齒居然汚泮池

登堂樂侑不聞聲夢真空教憶兩樞軍旅事寧真未
學請看夾谷却齊兵

一撮亭

在平樂縣
公園內

一撮名亭意則那直將九土視山河世間妄自分疆
界蝸角爭雄定孰多

陽朔口占

我聞陽朔佳山水今日相逢勝故人
照眼風光供索句山如鵬起水生鱗

盪胸氣欲上層雲壁立孤峰筆底吞兩字
擘窠風雨蝕憑誰為記刻舟痕

繫舟處為碧蓮峰山半石鐫壁
文二字乃吾鄉林文直公所書

元寶塘晚泊

眾山環拱插天空元寶塘邊暫繫蓬
名字何妨從我

改不如喚作玉屏風

登桂林獨秀峰歸成此篇

桂林佳山水昔聞今見之一柱擎天際獨秀峰最奇

峩峩如端冕高拱眾山卑紫袍與金帶炫目何陸離

俗呼此山為紫金山
石鐫紫袍金帶四字

螺磴穿雲出鬣膝復當眉三百級

以上五十丈有奇此峰從何來令人生猜疑除非巨

靈劈斤斧將焉施環矚四無隣下窺一無遺不有登

山者山高不自知去天纔一握孤雲如相隨振衣御

天風冷然與我期我固喜探勝鼓勇還忘疲視力雖

翰人足爾所不辭下山日已昃揩眼來觀碑題字半
漫滅斷句空尋思下有讀書巖石室誰護持謂是顏
公居思公守郡時茲遊信奇絕山神要我詩我詩無
別語真好非阿私惜無李營丘畫筆窮毫毫猶有范
石湖桂海志能窺山名固自永湛輩空自悲未有驚
人句看山徒爾為

辛酉十二月四日縱筆自遣

今年太歲方在酉未信乞漿真得酒春韶一瞥電影
過倏已龍鍾三十九忍飢還復向天涯兩膝隨身事

奔走讀書更誤能文章空自千金享敝帚不然去學
萬人敵看取功成印繫肘隨陸絳灌俱等閒所不可
知願惟壽吾生有涯知無涯斯言還質漆園叟繕性
滑欲蔽已多死亦非尻生非首萬物寧惟我獨芒鬼
責人非果何有慙軀尚自疑春秋眠未轉頭身已朽
混沌鑿竅難求全世兒偏自尋械杻支離散木卻盡
年坐老巖阿長相守人生意在不知足兩匙安能置
一口白髮如期不肯私黃金雖成定何取況今戎馬
生郊時民命如絲誰援手我亦萬民中一人皇皇奚

嘗喪家狗饑寒明日不自知敢望此身躋耆耄五嶺
之間數往還追尋遺蹟元興柳今乃更作桂州遊天
既詩人亦云厚百年儻與山水期自謂此生已無負
身名至竟誰為親達者觀之皆土缶有身為患遑暇
名今古一丘知誰某笑多世間閒草木偷活須臾空
含垢心盟蚤託後凋松直須歲寒見良友我之所願
異乎人不在市朝在林藪留取一詩自寫真再拜稽
首遂自受

游桂林疊綵山